

NEWS LETTER

2015

www.fipa.gov.ba

**Olip Bosna doo Travnik,
primjer uspješne strane
investicije u BiH**



**Članovi Istanbulske privredne komore na
Sarajevo Business Forumu 2015**

**Aftercare posjeta kompaniji Maguba doo Turbe-Travnik,
primjer uspješne švedske investicije u BiH**



NEWSLETTER BR. 9

APRIL 2015

SADRŽAJ

FIPA AKTIVNOSTI ≡

- » Presentacija Agencije FIPA za predstavnike Nezavisne asocijacije privrednika MÜSİAD iz Turske
- » Presentacija Agencije FIPA za menadžere 18 tajvanskih kompanija
- » Privredna delegacija kineske provincije Hebei posjetili Agenciju FIPA
- » Olip Bosna doo Travnik, primjer uspješne strane investicije u BiH
- » Presentacija Agencije FIPA za turske privrednike iz regije Canakkale
- » Aftercare posjeta kompaniji Maguba doo Turbe-Travnik, primjer uspješne švedske investicije u BiH

POSLOVNE VIJESTI ≡

- » Švedske klompe od bosanskog drveta hit u Americi
- » Članovi Istanbulske privredne komore na Sarajevo Business Forumu 2015

FIPA AKTIVNOSTI ≡



PREZENTACIJA AGENCIJE FIPA ZA PREDSTAVNIKE NEZAVISNE ASOCIJACIJE PRIVREDNIKA MÜSIAD IZ TURSKE




OLIP BOSNA DOO TRAVNIK, PRIMJER USPJEŠNE
STRANE INVESTICIJE U BIH ≡



...I JOŠ FIPA AKTIVNOSTI...



PREZENTACIJA AGENCIJE FIPA ZA PREDSTAVNIKE NEZAVISNE ASOCIJACIJE PRIVREDNIKA MÜSİAD IZ TURSKE



Fondacija BIGMEV je 17. aprila 2015. godine u Sarajevu organizirala prezentaciju investicijskih potencijala BiH za privrednike Nezavisne asocijacije privrednika MÜSİAD iz Turske

Tom prilikom je Nina Pobrić, šef Odsjeka za promociju FIPA-e, održala prezentaciju o komparativnim prednostima i investicijskim potencijalima Bosne i Hercegovine za predstavnika MÜSİAD-a. Prezentaciji su prisustvovali predstavnici kompanija iz prehrambenog, tekstilnog i ICT sektora.

MÜSİAD je nezavisna asocijacija industrijalaca i privrednika osnovana 1990. godine. Trenutno imaju 85 predstavništava u Turskoj, 159 predstavništava u 63 zemlje svijeta, te više od 11 000 kompanija-članica.

Nakon prezentacije, održani su bilateralni susreti sa bh. kompanijama.



PREZENTACIJA AGENCIJE FIPA ZA MENADŽERE 18 TAJVANSKIH KOMPANIJ



Taiwan, partner Međunarodnog sajma privrede Mostar 2015, je 14. aprila u hotelu MEPAS organizirao susret tajvanskih kompanija sa predstavnicima FIPA-e, Vanjsko trgovinske komore BiH, Privredne komore FBiH, predstavništva Njemačke privrede u BiH, te mostarskog sajma.

Na sastanku je istaknuto kako je dosadašnja privredna suradnja između Tajvana i BiH jako skromna, te izražena nada kako će i ovaj događaj pridonijeti poboljšanju suradnje, kako na polju trgovinske razmjene tako i investicija.

Tom prilikom Amir Kazić, predstavnik FIPA-e, je održao prezentaciju o investicijskim potencijalima i komparativnim prednostima BiH u odnosu na zemlje regiona za prisutne menadžere 18 tajvanskih kompanija.



PRIVREDNA DELEGACIJA KINESKE PROVINCIJE HEBEI POSJETILI AGENCIJU FIPA



Na poziv Agencije FIPA, a sa ciljem boljeg informiranja o mogućnostima privredne suradnje između Bosne i Hercegovine i kineske provincije Hebei, sedmočlana delegacija Komercijalnog odjela ove provincije predvođena g. Xi Xianjun-om , zamjenikom generalnog direktora zajedno sa ekonomskim savjetnikom Ambasade NR Kine u Sarajevu g. Lei Jianzhong-om posjetila je Agenciju 16. aprila 2015.

Tokom sastanka su predstavljeni uslovi i mogućnosti za investiranje u BiH kao i usluge koje FIPA nudi stranim investitorima. Predstavници provincije Hebei su istakli da postoji interes njihovih kompanija za investiranje u BiH i suradnju sa bh. kompanijama i istakli želju da se privredna suradnja između provincije Hebei i BiH podigne na veći nivo. Dogovorena je razmjena informacija i konkretnih investicionih projekata koje će kompanijama iz provincije Hebei omogućiti potpuniju sliku o prednostima i mogućnostima ulaganja u BiH.

Tokom posjete Sarajevu, u organizaciji FIPA-e, delegacija će se sastati i sa predstavnicima Vanjsko-trgovinske komore BiH sa kojima će razgovarati o mogućnostima unapređenja vanjskotrgovinske razmjene i gradonačelnikom Sarajeva sa kojim će razgovarati o iskustvima u organizaciji Zimskih olimpijskih igara i korištenju olimpijskih objekata u postolimpijskom periodu.



OLIP BOSNA DOO TRAVNIK, PRIMJER USPJEŠNE STRANE INVESTICIJE U BIH



U okviru Aftercare aktivnosti, predstavnik Agencije FIPA Nina Pobrić, predstavnici Ministarstva privrede Srednjobosanskog kantona Meho Ajanović i Elmir Crnica, te Elma Pružan iz Općine Travnik, u četvrtak 09. aprila 2015. godine posjetili su kompaniju Olip Bosna doo Travnik, koja je dio Olip grupacije, renomiranog italijanskog proizvođača obuće.

Tom prilikom razgovarano je sa gđinom. Slobodanom Borojevićem, direktorom kompanije i gđinom. Adisom Dadićem, finansijskim direktorom, o poslovnom okruženje u BiH, o preprekama i problemima sa kojima se suočavaju u poslovanju i o planovima daljnjeg širenja.

U kompaniji Olip Bosna doo Travnik je trenutno zaposleno 1.182 radnika, a uz to angažiraju i veliki broj radnika u kooperantskim firmama. Italijanski investitori su veoma zadovoljni poslovnim rezultatima u BiH i konstantno reinvestiraju. Kao najveću prednost za investiranje ističu stručnost i efikasnost radne snage.

Fabrika realizira 99,1% ukupne proizvodnje Olip grupacije sa dnevnim kapacitetom proizvodnje od preko 6500 pari obuće. Proizvodnja je namijenjena izvozu, i trenutno se proizvodi kompanije mogu naći na svim svjetskim tržištima. Olip grupacija je ujedno i najveći strani investitor na području Općine Travnik i predstavlja odličan primjer kako se uprkos izazovima, strane investicije u Bosni i Hercegovini mogu veoma uspješno realizirati.



PREZENTACIJA AGENCIJE FIPA ZA TURSKE PRIVREDNIKE IZ REGIJE CANAKKALE



Predstavnik FIPA-e Nina Pobrić je u petak 10.04.2015. godine održala prezentaciju o investicijskim potencijalima BiH u sklopu poslovnih susreta bosanskohercegovačkih i turskih privrednika iz regije Canakkale. U prezentaciji je fokus stavljen na poljoprivredno-prehrambeni sektor BiH i konkurentne prednosti BiH za ulaganje.

Organizator poslovnih susreta je bila Vanjskotrgovinska komora Bosne i Hercegovine.

Cilj poslovnih susreta je jačanje suradnje domaćih i turskih kompanija, posebno onih iz prehrambeno-poljoprivrednog sektora, te podsticanje na ulaganja u BiH. Prema povratnim informacijama, prikupljenim od domaćih kompanija, susreti su ocijenjeni kao iznimno uspješni, budući da postoji naznaka uspostavljanja konkretnih poslovnih aranžmana, vezanih za trgovinu i zajedničke projekte ulaganja.



AFTERCARE POSJETA KOMPANIJI MAGUBA DOO TURBE-TRAVNIK, PRIMJER USPJEŠNE ŠVEDSKE INVESTICIJE U BIH



U okviru Aftercare aktivnosti, predstavnik Agencije FIPA Nina Pobrić zajedno sa predstavnicima Ministarstva privrede Srednjobosanskog kantona i Općine Travnik su u četvrtak 9. aprila 2015. godine posjetili kompaniju Maguba doo Turbe, u Travniku.

Direktorica kompanije gđa Senada Selimović upoznala je članove Suradničke mreže o njihovom iskustvu kada je u pitanju poslovno okruženje u BiH, o pretekama i problemima sa kojima se suočavaju u poslovanju i o planovima daljnjeg širenja.

Kompanija Maguba već četiri godine u Općini Turbe kod Travnika proizvodi poznate švedske klompe, moderniziranog dizajna. Razlozi za investiranje u BiH su niski operativni troškovi, kvalitetna radna snaga i sirovina neophodna za izradu klompi.

Kompanija trenutno zapošljava 44 radnika i planiraju dodatna ulaganja. Godišnje kompanija proizvede preko 44.000 pari klompi koje onda idu za Švedsku i nakon toga se šalju za tržište SAD-a.

Prema riječima direktorice Selimović, postoji interes određenog broja kompanija iz Švedske za ulaganje u Bosnu i Hercegovinu.

POSLOVNE VIJESTI ≡



ŠVEDSKE KLOMPE OD BOSANSKOG DRVETA HIT U AMERICI



ČLANOVI ISTANBULSKE PRIVREDNE KOMORE NA SARAJEVO BUSINESS FORUMU 2015



...I JOŠ FIPA POSLOVNIH VIJESTI...



ŠVEDSKE KLOMPE OD BOSANSKOG DRVETA HIT U AMERICI

Kako u BiH ima još uvijek zanimljivih i neispričanih priča pokazuje i primjer kompanije Maguba koja već četiri godine u maloj Općini Turbe kod Travnika proizvodi poznate švedske klompe, moderniziranog dizajna, i plasira ih na tržište SAD-a.

Vlasnici su zbog troškova poslovanja i proizvodnje odlučili firmu premjestiti u neku drugu zemlju, a onda je odluka pala na BiH.

Kako bi počeli poslovanje kupili su poslovne prostore u Travniku veličine 1700 kvadrata i počeli sa proizvodnjom. Budući da je potražnja za ovim proizvodima rasla tako je rasla i njihova proizvodnja i zapošljavanje novih radnika. Tako od početnih 12 sada imaju 40-tak radnika.

Većina sirovina koje se koriste, se nabavljaju u BiH, od drveta, konca, ljepila, jedan dio postava, kartonske kutije i sl. Jedino kožu i eksere nabavljaju u inozemstvu.

Godišnje kompanija proizvede preko 44.000 pari klompi koje onda idu za Švedsku i nakon toga se šalju za SAD.



ČLANOVI ISTANBULSKE PRIVREDNE KOMORE NA SARAJEVO BUSINESS FORUMU 2015



Članovi Istanbulske privredne komore (Istanbul Ticaret Odasi - ITO) potvrdili su učešće na 6. Međunarodnoj investicijskoj konferenciji Sarajevo Business Forum 2015. koja će se 13. i 14. maja održati u Sarajevu. Kao i prethodnih 5 godina, glavni cilj konferencije je podrška ekonomskom razvoju i privlačenje inostranih ulaganja u jugoistočnu Europu. Posebna pažnja bit će posvećena brendingu Regiona u svijetu. Ove godine SBF se održava pod motom „Jedan Region, jedna ekonomija“ a u fokusu je prezentiranje ideja za proizvodnju zdrave hrane, razvoj IT sektora i edukacija. Učesnici će na dvodnevnom forumu pokušati pronaći odgovore na pitanja mogu li BiH i Region postati europski centar za proizvodnju zdrave hrane, centar za razvoj informacionih tehnologija i razvoj poduzetništva, te pokušati iznaći modele za dovođenje 20 hiljada stranih studenata i kreiranje Regiona kao edukacionog centra.

Sarajevo Business Forum svake godine okuplja više od 1.000 učesnika i ima punu medijsku pokrivenost, kako lokalnu, tako i internacionalnu. Regionalni karakter konferencije otvara mogućnosti privrednicima i poslovnim ljudima da uspostave mrežu kontakata i poslovnih odnosa sa poduzetnicima i rukovodiocima investicionih fondova iz preko 30 zemalja širom svijeta. Pokrovitelj ovogodišnjeg Forumu je Predsjedništvo BiH. Također, ovom prilikom vas obavještavamo da je počela registracija medija i novinara zainteresiranih za praćenje 6. Međunarodne investicijske konferencije Sarajevo Business Forum 2015. Registracija se obavlja putem internet stranice SBF-a www.sarajevobusinessforum.com, klikom na ikonicu "registration of PRESS". Registracija se završava 1. maja ove godine. Organizatori SBF-a mole sve medijske kuće i novinare ponaosob da poštuju rok za registraciju jer se spiskovi sa imenima novinara moraju na vrijeme dostaviti u Parlament BiH. Prošlogodišnju investicijsku konferenciju SBF pratilo je 270 novinara iz više od 50 domaćih i stranih medijskih kuća.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA